

# Universitätsbibliothek Wuppertal

## Epistolæ obscurorum virorum

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

58. Magister Irus Perlirus

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.org/urn:nbn:de:hbz:468-1-976)

et despectu, Et totus mundus erit inimicus eorum, et nemo dabit eis Ele-  
mosynas, et destruentur monasteria eorum: tunc ibunt in Bohemiam vel  
etiam in Turciam et prædicabunt, quod fides Christiana non est vera: et erit  
magnum malum". Sit quidquid vult: Ego vellem quod haberetis patien-  
tiam et non faceretis contra papam vos Theologi, ne omnes Christiani sint  
inimici vestri. Et valete in nomine unigeniti filii dei. Datum Bremen.

## 58.

## C Magister Irus Perlirus

## Magistro Ortveno Gratio

Salutis copiam. Venerabilis vir. Venerunt huc scripta vestra ad Univer-  
sitatem quæ composuistis contra Iohannem Reuchlin: quæ antiqui Magistri hic  
valde laudant, sed novi et iuvenes non tenent aliquid de eis, dicentes quod  
ex invidia vexatis bonum Reuchlin. Et quando habuimus consilium an etiam  
vellemus concludere contra Speculum Oculare, tunc illi novelli qui non  
sunt adhuc satis experimentati, tenuerunt oppositum antiquis illis, dicentes  
quod Reuchlin est innocens et nunquam scripsit aliquid hereticum. Et  
sic usque adhuc impediverunt: nescio quid fiet postea. ego credo quod  
Universitas adhuc peribit propter illos poetas qui sunt ita multi quod est  
mirum. Et noviter advenit unus huc qui vocatur Petrus Mossellanus qui  
est græcus. Et alius est hic qui etiam legit in Græco, vocatus Ricardus  
Crocus, et venit ex Anglia. ego dixi nuper: 'Diabole, venit iste ex An-  
glia? Ego credo quod si esset unus poeta ibi ubi piper crescit, ipse etiam  
veniret Liptzick'. Et ergo Magistri habent ita paucos domicellos quod est  
scandalum. Et ego recordo adhuc, quod quando unus magister ivit olim  
ad balneum, ipse habuit plures domicellos retro se, quam nunc in die-  
bus festis quando vadunt ad ecclesiam. Supposita etiam tunc fuerunt ita  
discreti sicut angeli. Sed nunc currunt hincinde et non curant aliquid  
magistros; et volunt omnes stare in Civitate et comedere extra Collegium,  
et magistri habent valde paucos commensales. Item in proxima promo-  
tione fuerunt promoti tantum X bacularii. Et quando habuimus examen,  
tunc tractaverunt magistri quod volunt aliquos reicere. Tunc ego dixi:  
'nullo modo: Quia si reicitis unum, tunc postea nullus intrabit amplius  
examen, vel studebit pro gradu, sed ibunt ad poetas. et sic dispensavi-  
mus cum ipsis. Fit autem dispensatio in tribus: Primum in Aetate, quia

<sup>2</sup> Boemiam 5. <sup>3</sup> Q<sup>2</sup> 5. et omis. 5. <sup>4,5</sup> patientiam 5.

<sup>8</sup> M. 4. 5. <sup>9</sup> M. 4. 5. <sup>10</sup> Alutis 5. non expressa S. <sup>11</sup> Ioannē 5. <sup>16</sup> Reuch. 5.  
ad hereticum. 5. <sup>17</sup> Credo 4. <sup>18</sup> peribit] scribit 4. 5. <sup>20</sup> e 4. e 5. <sup>25,26</sup> diebus  
vestis 5. <sup>30</sup> .x. bacalarij. 5. <sup>32</sup> volūt 4. 5. leg. voluerunt <sup>34</sup> etate: 5.

oportet quod unus qui vult promoveri in bacularium, sit ad minus XVI annorum, in magistrum autem viginti. Si non sunt autem satis senes, tunc dispensatur cum eis. Secundo fit dispensatio in moribus: Quia quando supposita non exhibuerunt debitam reverentiam magistris et graduatis, tunc reiiciuntur, nisi mediante dispensatione admissi fuerunt. Et cum hoc queretur de excessibus, scilicet si fuerunt in plateis sine discretionem, vel fuerunt apud meretrices, vel portaverunt arma, vel tibusaverunt unum magistrum vel presbiterum, vel fecerunt tumultum in lectoriis vel collegiis. Tertio fit dispensatio in Artibus, quando non sunt bene habituati in scienciis, et non satis compleverunt. nuper in examine quesivi unum: 'Dic mihi quomodo tamen venit quod tu nihil respondes? Dixit ille, quod esset ita timax. Respondi ego, quod non crederem quod esset ita timax, sed bene crederem quod esset ita ignorax. Tunc dixit 'per deum, non, domine Magister: ego habeo magnam scientiam intus, sed non vult exire'. Et sic dispensavi cum eo. Ita videtis quod universitates valde minorentur. Ego habeo unum domicellum quem nuper interrogavi super unum excessum: tunc rebellavit mihi et statim tibusavit me. Et dixi ei: 'hoc ego volo servare usque ad promotionem', innuens quod deberet pati reiicionem. Respondit ipse: 'ego merdarem vobis super vestros baculaureatus, et ibo ad Italiam, ubi preceptores non decipiunt sic suos discipulos, et non habent in usu istas fantasias facientes bacularios. Sed quando aliquis est doctus, tunc habet honorem: quando autem est indoctus, habetur sicut alius asinus'. Et dixi ei 'Tu ribalde, velles tu parvipendere gradum baculariatus qui est magna dignitas?' Tunc respondit, quod etiam non curaret magisterium. Et dixit: 'ego audivi ab amico meo quod quando stetit Bononię, tunc vidit quod omnes magistri artium ex Almaniam deponerentur tanquam beani, Et simplicia supposita non: Quia in Italia habetur pro vituperio quando aliquis est promotus in Almaniam in magistrum vel bacularium'. Ecce talia scandala fiunt. Ergo vellem quod omnes universitates facerent in simul et concluderent simul omnes poetas et humanistas, quia destruunt universitates. Magister Langschneyder et magister Negelin et Magister Kachelofen et Magister Arnoldus Wustenfelt et doctor Ochsenfart mittunt vos salutare. Valete. Datum Liptzick.

<sup>1</sup> XVI. 5. <sup>2</sup> aut 5. non habet 4. <sup>6</sup> fuerunt querunt 4. querunt 5. <sup>8</sup> presbyter 5. <sup>11</sup> michi 5. <sup>13</sup> ignoxax. 5. dixi 5. <sup>15</sup> dispensavit 4. dispensavit 5. <sup>17</sup> michi 5. <sup>18</sup> ego omis. 5. <sup>20</sup> baculaureatos 5. <sup>24</sup> baculariatus que 5. <sup>28</sup> vituperio 5. <sup>29</sup> Magistru vel Bacularium. 5. <sup>31</sup> Langschneider 5. <sup>32</sup> M. 4. Kachelofen 5. wüstenfelt 5. <sup>33</sup> doctor 5. M. 4. 5. <sup>33</sup> mittunt 4. salu. 5. Da. 4. Va. Da. 5.